

ტექნიკური დავალება

ძირითადი მოთხოვნა:

მრავალბინიანი საცხოვრებელი კომპლექსის მიწის ნაკვეთის განაშენიანების მაქსიმალური კოეფიციენტი: $K_1=3$ 100.მ². სართულიანობა-ბოლო სართულის იატაკის ნიშნული განისაზღვროს არაუმეტეს +37.00 ნიშნულზე.

გეგმარებითი სქემის შემუშავებისას გასათვალისწინებელია, რომ საცხოვრებელი კომპლექსი სოციალური ფუნქციის მატარებელია და დასაგეგმარებელი ფართები ოპტიმალურად უნდა განაწილდეს.

ბინაში განლაგებული სამყოფები უზრუნველყოფილი იქნას ბუნებრივი განათებით.

სამშენებლო დოკუმენტის პროექტი უნდა შედგებოდეს:

სოციალური მრავალბინიანი საცხოვრებელი კომპლექსის სამშენებლო დოკუმენტის პროექტის შედგენა მოხდეს მოქმედი კანონმდებლობის სრული დაცვით და უნდა აკმაყოფილებდეს „მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის № 57 დადგენილებას, „ტექნიკური რეგლამენტის - დასახლებათა ტერიტორიების გამოყენებისა და განაშენიანების რეგულირების ძირითადი დებულებების დამტკიცების თაობაზე“ 2014 წლის 15 იანვრის №59 დადგენილებასა და ტექნიკური რეგლამენტის – „შენობა-ნაგებობის უსაფრთხოების წესების დამტკიცების თაობაზე“ საქართველოს მთავრობის 2016 წლის 28 იანვრის №41 დადგენილებას.

სამშენებლო დოკუმენტის პროექტი უნდა შეიცავდეს საქართველოს მთავრობის 2009 წლის 24 მარტის „მშენებლობის ნებართვის გაცემის წესისა და სანებართვო პირობების შესახებ“ N57 დადგენილებით განსაზღვრული შენობა-ნაგებობის შესაბამისი კლასისათვის გათვალისწინებული სამშენებლო დოკუმენტის პროექტსა და დამატებით საექსპერტო შეფასებებს (საინჟინრო-გეოლოგიური კვლევის საექსპერტო შეფასება; ფუძეების, საძირკვლებისა და სხვა ძირითადი კონსტრუქციების საექსპერტო შეფასება; არქიტექტურული ნაწილების შესაბამისობა „ტექნიკური რეგლამენტის – შენობა-ნაგებობის უსაფრთხოების წესების დამტკიცების თაობაზე“ საქართველოს მთავრობის 2016 წლის 28 იანვრის №41 დადგენილებით დამტკიცებულ რეგლამენტთან). საექსპერტო შეფასება უნდა შეიცავდეს ექსპერტიზის ჩატარების მეთოდს, შენიშვნებისა და დადებითი შეფასების დასაბუთებას. საბოლოო შეფასება უნდა იყოს ერთმნიშვნელოვნად დადებითი.

ექსპერტიზის ჩატარების პროცედურა განისაზღვრება საქართველოს მთავრობის 2014 წლის 15 იანვრის №61 დადგენილებით „ტექნიკური რეგლამენტის – განსაკუთრებული მნიშვნელობის ობიექტების მშენებლობის პროექტების სავალდებულო ექსპერტიზის ჩატარების დროებითი წესის დამტკიცების თაობაზე“

სამუშაოების ხარჯთაღრიცხვა უნდა შეესაბამებოდეს საქართველოს მთავრობის 2014 წლის 14 იანვრის №55 დადგენილებით დამტკიცებულ ტექნიკური რეგლამენტის- „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესი“-ს მოთხოვნებს.

უნდა განხორციელდეს ხარჯთაღრიცხვის პროექტთან შესაბამისობის ექსპერტიზა, რომლის განმახორციელებელი ორგანო უნდა იყოს სსიპ-ლევან სამხარაულის სახელობის სასამართლო ექსპერტიზის ეროვნული ბიურო ან სხვა აკრედიტებული პირი.

საპროექტო-სახარჯთაღრიცხვო დოკუმენტაცია წარმოდგენილი უნდა იყოს ქართულ ენაზე.

საპროექტო-სახარჯთაღრიცხვო დოკუმენტაცია დამუშავდეს საქართველოში მოქმედი ნორმატიული აქტების, სამშენებლო ნორმებისა და წესების, რეგლამენტებისა და სტანდარტების სრული დაცვით. დაპროექტებისას გათვალისწინებულ იქნას ადგილობრივი კლიმატური პირობები.

სამშენებლო დოკუმენტის პროექტისა და საპროექტო-სახარჯთაღრიცხვო დოკუმენტაციის დამუშავება.

წარმოსადგენი დოკუმენტაცია იყოფა 3 (სამი) ეტაპად:

პირველი ეტაპი: ხელშეკრულების გაფორმებიდან არაუგვიანეს 12 კალენდარული დღის ვადაში წარმოადგინოს საქართველოს მთავრობის 2009 წლის 24 მარტის „მშენებლობის ნებართვის გაცემის წესისა და სანებართვო პირობების შესახებ“ N 57 დადგენილებით განსაზღვრული მიწის ნაკვეთის სამშენებლოდ გამოყენების პირობების პროექტი სამშენებლო მიწის ნაკვეთისა და მიმდებარე ტერიტორიის ტოპოგრაფიული და საკადასტრო აზომვით ნახაზებთან ერთად (თანდართული კოორდინატების მიხედვით), რომელსაც დამატებით უნდა დაერთოს მოქმედი ქალაქმშენებლობითი რეგულაციების გათვალისწინებით დამუშავებული სამშენებლო მიწის ნაკვეთზე საპროექტო ობიექტის განთავსების, ტერიტორიის კეთილმოწყობისა და ტრანსპორტის მოძრაობის სქემები; ვიზუალური ესკიზები - ფოტომონტაჟით, ფასადების მოპირკეთების სპეციფიკაცია, სართულების გეგმარების სქემატურ ნახაზები, სქემატური ჭრილი სიმაღლის ჩვენებით; კვარტალური განაშენიანების სამგანზომილებიან მოდელირებაში საპროექტო მოცულობის ასახვა სქემატურ დონეზე, ძირითადი გაბარიტების ჩვენებით.

წარმოსადგენი დოკუმენტაცია უნდა აკმაყოფილებდეს საქართველოს მთავრობის 2014 წლის 15 იანვრის „ტექნიკური რეგლამენტის - დასახლებათა ტერიტორიების გამოყენებისა და განაშენიანების რეგულირების ძირითადი დებულებების დამტკიცების თაობაზე“ №59-ე და „ტექნიკური რეგლამენტის - შენობა-ნაგებობის უსაფრთხოების წესების დამტკიცების თაობაზე“ საქართველოს მთავრობის 2016 წლის 28 იანვრის №41 დადგენილებების მოთხოვნებს.

დამკვეთი წარმოდგენილ დოკუმენტაციას განიხილავს 2 კალენდარული დღის განმავლობაში. შენიშვნების არსებობის შემთხვევაში საპროექტო გადაწყვეტა შემსრულებლის მიერ უნდა ჩასწორდეს არაუგვიანეს 7 კალენდარული დღისა.

შენიშვნა: ტენდერში გამარჯვებულმა დოკუმენტაცია უნდა წარმოადგინოს ბეჭდური სახით 5 ეგზემპლარად და ელექტრონული (PDF) ვერსიით.

მეორე ეტაპი: ხელშეკრულების გაფორმებიდან არაუგვიანეს 35 კალენდარული დღისა დამკვეთთან შესათანხმებლად წარმოადგინოს არქიტექტურული პროექტი ძირითადი გეგმარებითი და სივრცით-კომპოზიციური გადაწყვეტის ჩვენებით, რომელსაც დამკვეთი განიხილავს 3 კალენდარული დღის განმავლობაში. შენიშვნების არსებობის შემთხვევაში საპროექტო გადაწყვეტა შემსრულებლის მიერ უნდა ჩასწორდეს არაუგვიანეს 7 კალენდარული დღისა.

მეორე ეტაპზევე წარმოდგენილ იქნას:

- ა) სამშენებლო მოედნის საინჟინრო-გეოლოგიური კვლევა და მის საფუძველზე დამუშავებული კონსტრუქციული გადაწყვეტის სქემა (გრაფიკული ან/და განმარტებითი ბარათი);
- ბ) გამსხვილებული ხარჯთაღრიცხვა;
- გ) გამოსაყენებელი ძირითადი სამშენებლო და მოსაპირკეთებელი მასალების სპეციფიკაცია.

შენიშვნა: ტენდერში გამარჯვებულმა დოკუმენტაცია უნდა წარმოადგინოს ბეჭდური სახით 3 ეგზემპლარად და ელექტრონული (PDF) ვერსიით.

მესამე ეტაპი: ხელშეკრულების გაფორმებიდან არაუგვიანეს 90 კალენდარული დღისა სოციალური მრავალბინიანი საცხოვრებელი კომპლექსის სრულყოფილი სამშენებლო დოკუმენტის პროექტის და სახარჯთაღრიცხვო დოკუმენტაციის წარმოდგენა.

სამშენებლო დოკუმენტის არქიტექტურული პროექტი უნდა შეესაბამებოდეს საქართველოს მთავრობის 2009 წლის 24 მარტის „მშენებლობის ნებართვის გაცემის წესისა და სანებართვო პირობების შესახებ“ N57 დადგენილების 47-ე მუხლის მოთხოვნებს, კერძოდ:

- ა) ინფორმაციას მშენებლობის ნებართვის ობიექტის თაობაზე, რომელიც მოიცავს:
 - ა.ა) თავფურცელს, ობიექტის დასახელებასა და მისამართს;
 - ა.ბ) ფურცლების ჩამონათვალს;
 - ა.გ) გამოყენებულ პირობით აღნიშვნებს;
 - ა.დ) განმარტებით ბარათს, რომელიც მოიცავს დაგეგმარების მიზნების აღწერას:
 - ა.დ.ა) დაგეგმარების საფუძველსა და მიზნებს;
 - ა.დ.ბ) მიწის ნაკვეთის წერილობით აღწერას;
 - ა.დ.გ) პროექტის შინაარსობრივ აღწერას;
 - ა.დ.დ) შენობა-ნაგებობის ძირითადი სტრუქტურული სისტემის აღწერას;
 - ა.დ.ე) დაგეგმარებისათვის გამოყენებული კანონმდებლობის აღწერას;
- ა.ე) შენობა-ნაგებობის ტექნიკურ მაჩვენებლებს:
 - ა.ე.ა) მიწის ნაკვეთის ფართობს;
 - ა.ე.ბ) გამოყენებული კ1-ის სიდიდესა და განაშენიანების ფართობს;
 - ა.ე.გ) გამოყენებული კ2-ის სიდიდესა და განაშენიანების სიმჭიდროვის ფართობს, თითოეული სართულის განაშენიანების ფართობის ჩვენებით;
 - ა.ე.დ) გამოყენებული კ3-ის სიდიდესა და გამწვანების ფართობს;
 - ა.ე.ე) შენობა-ნაგებობის ფართობს, მათ შორის, არსებობის შემთხვევაში: საოფისე ფართობს; სავაჭრო და საყოფაცხოვრებო მომსახურების ფართობ(ებ)ს; სასაწყობო ფართობს; კიბის უჯრედების, დერეფნებისა და საერთო სივრცეების ფართობებს; საზაფხულო (აივნების, ტერასების, ვერანდებისა და ლოჯიების) ფართობებს;
- ბ) „შენობა-ნაგებობის უსაფრთხოების წესებთან“ შესაბამისობის ანალიზს:
 - ბ.ა) დაკავებულობებსა და თითოეული გამოყენების აღწერას;
 - ბ.ბ) კონსტრუქციის ტიპ(ებ)ს;
 - ბ.გ) სიმაღლის შეზღუდვებს;
 - ბ.დ) ფართობის შეზღუდვებს;
 - ბ.ე) გარე კედლის ღიობებისადმი მოთხოვნებს;
 - ბ.ვ) მოთხოვნებს გასასვლელებისადმი;
 - ბ.ზ) ხანძრისაგან დაცვის სისტემებისადმი მოთხოვნებს;
 - ბ.თ) წყალსადენი სისტემის ფიქსირებული მოწყობილობებისადმი მოთხოვნებს;

- ბ.ი) საჭიროების შემთხვევაში, სხვა მოთხოვნებს;
- გ) სიტუაციურ გეგმას – მ 1:2000 ან მ 1:1000;
- დ) არსებული სიტუაციის ამსახველ ფოტომასალას (შორი და ახლო ხედებით, თარიღის მითითებით);
- ე) მიწის ნაკვეთის გეგმას (კოორდინატების მითითებით) – მ 1:500 ან მ 1:250;
- ე.ა) მიწის ნაკვეთის ტოპოგრაფიულ გეგმაზე დატანილ მიწის ნაკვეთის გეგმას;
- ე.ბ) შენობა-ნაგებობების განთავსებასა და სიმაღლეებს;
- ე.გ) მიწის ნაკვეთთან მისასვლელ და შიგასაავტომობილო გზებს, ავტოსადგომებს, საფეხმავლო ბილიკებს, საველოსიპედ ბილიკებს, გამწვანება, კეთილმოწყობა და სხვა;
- ე.დ) საჭიროების შემთხვევაში, საყოფაცხოვრებო ნარჩენების კონტეინერების განთავსების სქემას;
- ე.ე) მიწის ზედაპირის ცვლილების შემთხვევაში, მიწის ზედაპირის ცვლილების გეგმას;
- ე.ვ) ზედაპირული წყლების მოცილების სქემას;
- ვ) სართულის გეგმები ყველა დონეზე და სახურავის გეგმა – მ 1:200, მ 1:100 ან/და მ 1:50:
- ვ.ა) შენობის ყველა სართულისა და სახურავის გეგმას საკადასტრო საზღვრის პროექციის, იატაკების ზედაპირების ნიშნულების ჩვენებით, შენობა-ნაგებობის ნულოვან ნიშნულს აბსოლუტურ ნულოვან ნიშნულთან მიმართებით;
- ვ.ბ) შენობის სართულების გეგმები უნდა იძლეოდეს ინფორმაციას სართულის ძირითადი ზომების, ოთახის ან/და სივრცის ფართობებისა და მათი ძირითადი ზომების, ასევე გასასვლელი საშუალებების ძირითადი ზომების შესახებ;
- ვ.გ) ავეჯის ან/და სხვა აღჭურვილობის განლაგების გეგმები – „ტექნიკური რეგლამენტის – შენობა-ნაგებობის უსაფრთხოების წესების დამტკიცების თაობაზე“ საქართველოს მთავრობის 2016 წლის 28 იანვრის №41 დადგენილების შესაბამისად;
- ზ) შენობა-ნაგებობის განივი ან/და გრძივი ჭრილ(ებ)ი – მ 1:200, მ 1:100 ან/და მ 1:50:
- ზ.ა) შენობა-ნაგებობის ჭრილები, სულ მცირე, უნდა მოიცავდეს იატაკის ზედაპირის ნიშნულებსა და შენობა-ნაგებობის ნულოვან ნიშნულს აბსოლუტურ ნულოვან ნიშნულთან მიმართებით;
- ზ.ბ) გამოყენებულ მასალებს;
- ზ.გ) მნიშვნელოვან ნაწილებს ან/და დეტალებს – მ 1:20, მ 1:10 ან/და მ 1:5;
- თ) შენობა-ნაგებობის ყველა ფასადს – მ 1:200, მ 1:100 ან/და მ 1:50:
- თ.ა) ფასადზე გამოყენებულ მასალებსა და ფერებს;
- თ.ბ) მომიჯნავე შენობების არსებობის შემთხვევაში, განშლებს – მ 1:500 ან/და მ 1:200;
- თ.გ) ფასადის მნიშვნელოვან ნაწილებს ან/და დეტალებს – მ 1:20, მ 1:10 ან/და მ 1:5;
- ი) შენობა-ნაგებობებისთვის დაკავებულობებისა და გასასვლელი საშუალებების გეგმებს – მ 1:200 ან/და მ 1:100:
- ი.ა) დაკავებულობის დატვირთვებს;
- ი.ბ) გზა-კიბეებისა და სხვა გასასვლელი საშუალებების გამტარუნარიანობებს;
- ი.გ) გასასვლელებს, გასასვლელთან მისადგომებს, გასასვლელებსა და შენობიდან გამოსასვლელებს;
- ი.დ) გასასვლელამდე სავალ მაქსიმალურ მანძილებს;
- ი.ე) მისაწვდომობის სვლაგეზს;
- ი.ვ) საჭიროების შემთხვევაში, თავშესაფრის ფართობებს;
- ი.ზ) საჭიროების შემთხვევაში, სხვა მოთხოვნებს;

კ) შენობა-ნაგებობებისთვის გზა-კიბეების, პანდუსების, მოაჯირებისა და სახელოვების შესაბამისობას შენობა-ნაგებობის უსაფრთხოების წესებთან ნახაზების სახით - მ 1:50 ან/და მ 1:20;

ლ) შენობა-ნაგებობებისთვის ხანძარსაწინააღმდეგო დაცვის გეგმებს - მ 1:200:

ლ.ა) ცეცხლმდეგობის ხარისხიან მოთხოვნილ გამმიჯნავენ;

ლ.ბ) გამოყენებულ ხანძარსაწინააღმდეგო დაცვის სისტემებს;

ლ.გ) საჭიროების შემთხვევაში, სხვა მოთხოვნებს;

მ) მაკეტს ან/და სამგანურ ხედ(ებ)ს ან/და ფოტომონტაჟს;

ნ) შენობა-ნაგებობის ფასადებს, რომლებზეც მითითებულ უნდა იქნეს მათი ძირითადი გაბარიტული ზომები, სიმაღლეები, მათ შორის, სართულების მიხედვით სიმაღლეები, მიწის გადაკვეთის დონეების ჩვენებით აბსოლუტურ ნულოვან ნიშნულთან მიმართებით, ფასადზე განთავსებული ყველა ღიობისა და არქიტექტურული დეტალების ზომების მითითებით, ფასადების (საანგარიშო ზედაპირების) ნახაზებს, მომიჯნავე მიწის ნაკვეთებზე არსებული შენობის ფასადების (საანგარიშო ზედაპირების) სქემატური ნახაზების ჩვენებით (მაგ.: ქუჩის განშლა); ფოტომონტაჟსა და აქსონომეტრიულ ხედებს არქიტექტურული დეტალების, მოსაპირკეთებელ-სამშენებლო მასალებისა და ფერების განსაზღვრით (როგორც ნაბეჭდი, ასევე ციფრული სახით, ფასადებზე გამოყენებული ყველა სახის მოსაპირკეთებელი მასალების, ფანჯრების, ვიტრაჟების, მოაჯირებისა თუ სხვა არქიტექტურული ელემენტების დეტალური მითითებით (მათ შორის, გათბობა-კონდიციონერების ტექნიკური საშუალებების განთავსების ადგილის მითითებით), ასევე გამოყენებული საღებავების ფერს RGB ან RAL კოდების მიხედვით;

სამშენებლო დოკუმენტის პროექტი დამატებით უნდა შეიცავდეს:

1. არქიტექტურული ნაწილების შესაბამისობა „ტექნიკური რეგლამენტის – შენობა-ნაგებობის უსაფრთხოების წესების დამტკიცების თაობაზე“ საქართველოს მთავრობის 2016 წლის 28 იანვრის №41 დადგენილებით დამტკიცებულ რეგლამენტთან (საექსპერტო შეფასება);

2. კონსტრუქციულ პროექტს სათანადო დეტალიზაციით (რომელსაც უნდა დაერთოს ფუძეების, საძირკვლებისა და სხვა ძირითადი კონსტრუქციების საექსპერტო შეფასება);

3. საინჟინრო-გეოლოგიურ კვლევას (რომელსაც უნდა დაერთოს საინჟინრო-გეოლოგიური კვლევის საექსპერტო შეფასება);

4. სამშენებლო მიწის ნაკვეთისა და მიმდებარე ტერიტორიის ტოპოგრაფიული და საკადასტრო აზომვითი ნახაზების (თანდართული კოორდინატების მიხედვით) შესრულება.

5. მიწის ნაკვეთის ტერიტორიის კეთილმოწყობის დეტალურ პროექტს (3D ვიზუალიზაციით), სადაც უნდა მოეწყოს პარკინგი ქალაქ ბათუმის მუნიციპალიტეტის საკრებულოს მიერ დადგენილი მოთხოვნების შესაბამისად, სარეკრეაციო ტერიტორია

(დასარგავი მცენარეები სახეობები შეთანხმდეს დენდროლოგთან), გარე განათება, სკამები, სანაგვე ურნები და სხვა.

6. მშენებლობის ორგანიზების პროექტი;

7. სოციალური მრავალბინიანი საცხოვრებელი კომპლექსის ვიზუალიზაციას (მინიმუმ 10 ხედი);

8. საერთო სარგებლობის საინჟინრო-კომუნალური ქსელების შიგა და გარე (საკადასტრო საზღვრამდე) პროექტები სპეციფიკაციით.

საინჟინრო-კომუნალური ქსელები:

ა) წყალმომარაგება და კანალიზაცია;

ბ) ელექტრომომარაგება-შიგა ქსელის პროექტი ავტომატური ამომრთველ-გამთიშველებით დაკომპლექტებული ძაბვის შემყვანი ძალოვანი გამანაწილებელისა და მრიცხველების კარადების გათვალისწინებით;

გ) სუსტი დენები;

9. საერთო მოხმარების სივრცეების შიგა დიზაინის (3D ვიზუალიზაციით) პროექტი მოსაპირკეთებელი მასალების სპეციფიკაციების ჩვენებით.

10. ხანძარსაწინააღმდეგო სისტემების განთავსების პროექტი სპეციფიკაციით;

საპროექტო-სახარჯთაღრიცხვო დოკუმენტაცია წარმოდგენილი უნდა იყოს ქართულ ენაზე.

საპროექტო-სახარჯთაღრიცხვო დოკუმენტაცია დამუშავდეს საქართველოში მოქმედი ნორმატიული აქტების, სამშენებლო ნორმებისა და წესების, რეგლამენტებისა და სტანდარტების სრული დაცვით.

სამუშაოების ხარჯთაღრიცხვა უნდა შეესაბამებოდეს საქართველოს მთავრობის 2014 წლის 14 იანვრის №55 დადგენილებით დამტკიცებულ ტექნიკური რეგლამენტის- „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესი“-ს მოთხოვნებს.

სამშენებლო დოკუმენტის პროექტის შემდგენი ვალდებულია პროექტის ხარჯთაღრიცხვას (ხარჯთაღრიცხვის შედგენის შესაბამისობა მოქმედ ნორმებთან და საპროექტო მოცულობების შედარება სახარჯთაღრიცხვო მოცულობებთან) ჩაუტაროს საექსპერტო შეფასება, რომლის განმახორციელებელი ორგანო უნდა იყოს სსიპ-ლევან სამხარაულის სახელობის სასამართლო ექსპერტიზის ეროვნული ბიურო ან სხვა აკრედიტებული პირი. ერთმნიშვნელოვნად დადებითი საექსპერტო დასკვნა წარმოდგენილ უნდა იქნას შესრულებულ სამუშაოებთან ერთად. იმ შემთხვევაში, თუ დასკვნის გამცემი ორგანო არ იქნება სსიპ-ლევან სამხარაულის სახელობის სასამართლო ექსპერტიზის ეროვნული ბიურო, პრეტენდენტმა დამატებით უნდა წარმოადგინოს ექსპერტიზის განმახორციელებელი ორგანოს/პირის შესაბამისი აკრედიტაციის სერთიფიკატი. აკრედიტაციის სფერო უნდა ფარავდეს მოთხოვნილ მომსახურებას.

ცალკე უნდა იქნეს წარმოდგენილი თითოეული ტიპის საცხოვრებელი ბინების შიგა სარემონტო-მოსაპირკეთებელი სამუშაოების (სამღებრო სამუშაოები, იატაკის დაგება, სველი წერტილის მოპირკეთება და დანადგარების მონტაჟი, ელექტროგანათების მოწყობილობების მონტაჟი და სხვა) ხარჯთაღრიცხვა.

შენიშვნა: ტენდერში გამარჯვებულმა ქართულ ენაზე შესრულებული საბოლოო დოკუმენტაცია უნდა წარმოადგინოს ბეჭდური სახით, მყარყდიან ალბომად აკინძული 3 (სამი) ეგზემპლარად და ელექტრონული (PDF) ვერსიით. ამასთან, ხარჯთაღრიცხვა წარმოდგენილ უნდა იქნას ელექტრონულად excel-ის ფორმითაც.

დამატებითი მოთხოვნა:

იმ შემთხვევაში, თუ სამუშაოების შესრულების პროცესში აღმოჩნდება საპროექტო-სახარჯთაღრიცხვო დოკუმენტაციით გაუთვალისწინებელი დამატებითი სამუშაოების შესრულების აუცილებლობა, ამ დამატებითი საპროექტო-სახარჯთაღრიცხვო დოკუმენტაციის შედგენა განხორციელდება ანაზღაურების გარეშე. პროექტირების პერიოდში საპროექტო დავალებით გაუთვალისწინებელი სამუშაოების დაპროექტების საკითხი წერილობით თანხმდება შემსყიდველთან.